

Na osnovu člana 90. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog postupka nabavke putem direktnog sporazuma za nabavku tonera, zaključen je:

U G O V O R **o nabavci i isporuci tonera**

Između:

- 1. Centralne harmonizacijske jedinice Ministarstva finansija i trezora BiH, Trg Bosne i Hercegovine 3, koju zastupa direktor Ranko Šakota, (u daljem tekstu: Kupac)**
i
- 2. „VEGOS d.o.o. Sarajevo“, ulica Patriotske lige 30/I, kojeg zastupa direktor Goran Selimović (u daljem tekstu: Prodavac)**

Član 1.

(1) Predmet ovog Ugovora je nabavka i isporuka tonera (u daljem tekstu: roba), koju će Prodavac isporučiti Kupcu prema odredbama ovog Ugovora, po ukupnoj cijeni ponude u iznosu od 1.068,58 KM bez PDV – a.

(2) Sastavni dio ovog Ugovora je Ponuda Prodavca broj: 22/0032 dostavljena dana 15.02.2022. godine, te sačinjena prema Obrascu za cijenu ponude, sa navedenim količinama i jediničnim cijenama istih.

Član 2.

(1) Prodavac se obavezuje da će izvršiti snabdijevanje Kupca robom u skladu sa potrebama i narudžbama iskazanim u pismenom obliku.

(2) Prodavac se obavezuje da će isporuku tonera iz člana 1. ovog Ugovora izvršiti prema nalogu Ugovornog organa, u roku od najkasnije pet radnih dana od momenta narudžbe od strane Ugovornog organa.

(3) Za mjesto isporuke tonera ugovara se adresa Centralna harmonizacijska jedinica Ministarstva finansija i trezora BiH, Trg Bosne i Hercegovine 3/18, Sarajevo u okviru radnog vremena od 09:00 do 17:00 sati.

Član 3.

(1) Prodavac se obavezuje isporučiti tonere u skladu sa standardima proizvođača uređaja za koji se nabavlja, odnosno sa svim tehničkim karakteristikama propisanim od strane proizvođača originalne opreme za koju se toner isporučuje.

(2) Prodavac se obavezuje da će sva roba koju će isporučivati Kupcu biti označena i deklarirana u skladu sa važećim Zakonima o standardizaciji, Zakonom o vanjsko – trgovinskom poslovanju, te drugim važećim propisima.

(3) Isporuka punjenih odnosno recikliranih tonera neće biti prihvaćena.

Član 4.

(1) Prodavac se obavezuje da robu fakturiše u ugovorenom roku, na osnovu otpremnog dokumenta (otpremnicu i sl.) potvrđenog od strane Kupca da je preuzeo robu, te izdao i predao fakturu i to na dan preuzimanja robe.

(2) Prodavac se obavezuje na nepromjenjivost ponuđenih cijena tokom cijelog ugovorenog perioda.

(3) Kupac će platiti fakturu za isporučenu robu propisanim platnim nalogom za plaćanje u roku od 15 dana od dana nastale obaveze.

Član 5.

(1) Prodavac se obavezuje da će isporuku predmetne robe izvršiti u skladu sa zahtjevima Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.

(2) Kupac je obavezan dostaviti pismeno obavještenje o svakom navedenom propustu Kupca po Ugovoru.

(3) Kupac će utvrditi razuman rok za ispravku propusta Prodavca u smislu izvršene nabavke.

(4) U slučaju eventualnih primjedbi Kupca na kvalitet i količinu isporučene robe, Kupac može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

Član 6.

Ovaj Ugovor zaključuje se na određeno vrijeme, u trajanju do mjesec dana od dana obostranog potpisivanja, odnosno najkasnije do okončanja kompletnog postupka javne nabavke koja je predmet ovog Ugovora i izmirenja nastalih obaveza prema Prodavcu.

Član 7.

Odredbe ovog Ugovora ne mogu se mijenjati nakon njegovog zaključenja.

Član 8.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 9.

Svaka od ugovornih strana može otkazati ovaj Ugovor, pismenim putem, uz otkazni rok od 15 (petnaest) dana iz razloga propisanih Zakonom o obligacionim odnosima.

Član 10.

Na osnovu prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 11.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

PRODAVAC
VEGOS d.o.o. Sarajevo

Direktor
Goran Selimović



Broj: 062/22
Datum: 16-02-2022

KUPAC

Centralna harmonizacijska jedinica
Ministarstva finansija i trezora BiH

Direktor
Ranko Šakota



Broj: 04-16-10-5-7/22114
Datum: 16-02-2022 . godine

